

寶刻叢編

五









寶刻叢編

(五)

陳思纂次

編主五雲王

總初成集書叢

寶 刻 叢 編
冊 五

中華民國二十六年十二月初版

纂次者

陳

思

發行人

王 長沙南正街
雲 五

印刷所

商 長沙南正街
務 印書館

發行所

商 各埠
務 印書館

張

寶刻叢編卷第十六

荆湖南路

潭州

衡州

道州

永州

郴州

荆湖北路

江陵府

鄂州

德安府

復州

常德府

峽州

岳州

寶刻叢編 卷十六

歸州

辰州

荆陽州

以上全
卷缺

成都府路

成都府

眉州

崇慶府

彭州

緜州

漢州

嘉州

邛州

黎州

雅州

簡州

永康軍

隆州

以上全
卷缺

寶刻叢編卷第十八

梓州路

梓州

遂州

果州

資州

普州

敘州

瀘州

合州

以上原
缺。

渠州

春秋戰國爲巴地。秦二漢屬巴郡。晉初屬巴西郡。惠帝分置宕渠郡。宋齊屬巴渠郡。梁立渠州。西魏立

流江郡。後周因之。隋開皇初。郡廢。大業初。州廢爲宕渠郡。唐武德元年曰渠州。天寶元年曰流江郡。

• 皇朝因之。
• 今縣三。
• 隣水。
• 流江。
• 瀉山。

漢賜豫州刺史馮煥詔

漢賜豫州刺史馮煥詔。安帝元初六年也。首云告豫州刺史馮煥者。漢詔之式如此。按馮君乃車騎將軍緄之父。緄傳云煥爲幽州刺史。又煥有墓闕。題云豫州幽州刺史馮使君神道。元初季年。豫州境內無盜賊事。上谷代郡皆幽州所部。詔有北顧傷心及頃屬樂浪之文。亦幽州也。詔中諭其竭心盡慮。而使之便宜數上。必自豫徙幽而賜此詔。其石下斷。惟存上八字。意不能詳。考煥猶在豫。故其前尙稱故官也。隸釋

滿幽州刺史馮煥神道

銘云。故尙書侍郎河南京令豫州刺史馮使君神道。按後漢書馮緄傳。緄父煥。安帝時爲幽州刺史。而緄碑亦云幽州君之元子。此字在宕渠緄墓前雙石闕上。知其爲煥闕也。金石錄

漢幽州刺史馮煥神道。今在渠州。馮緄傳云。父煥。安帝時爲幽州刺史。建光元年卒。隸釋有元初六年。賜豫州刺史馮煥詔。煥之殘碑。有郎中尙書侍五字。惟京令無所見也。隸釋

漢馮煥殘碑

漢馮煥殘碑三十九字。其云比鮮卑叛逆。則元初六年詔除幽州時事也。其云策書嘉嘆。賜錢者。馮緄傳載煥死于獄中。帝愍之。賜錢十萬。當是此事也。未有永甯二年四字。蓋其卒之年月也。帝紀書建光元年正月。幽州刺史馮煥率十二郡太守討高句驪穢貊。不克。四月。遼東都尉龐奮承僞璽書。殺元菟太守姚光。緄傳云煥爲幽州刺史。疾忌姦惡。元菟太守姚光亦失人和。建光元年。怨者詐作

璽書賜煥光以歐刀下遼東龐奮行刑奮即斬光收煥煥疑詔有異上書自訟病死獄中。建光之元即永甯二年。是歲七月改元煥以四月終。故碑尙用舊年也。碑字無幾而皆與史合。隸釋

漢馮煥殘碑陰。諸曹史及帳下司馬武剛司馬十餘人。其間有貫潁川汝南陳國者。皆豫州舊部也。隸釋

漢車騎將軍馮緄碑

漢故車騎將軍馮公之碑。篆額。馮公名緄。巴郡宕渠人。碑云字皇卿。而本傳作鴻卿。碑云一要金紫十二銀艾。緄終於廷尉。而以將軍題碑首者。以金紫之貴也。緄以永康元年十二月卒。隸釋

漢馮緄墓六玉碑二

其上有烏三足。狐九尾。其一則二驢。有一人跨其右者。最下一牛首。蜀人謂之雙排六玉碑。

又一碑與六玉碑同。一石在馮緄墓道中。蜀人謂之六物碑。其上朱爵而下玄武。其中沒字。非漫滅也。並隸續

漢馮緄墓單排六玉碑

上下有朱雀玄武。蜀人既以前碑為雙排。而謂此為單排。恐亦是馮緄墓道中物也。隸續

漢是邦雄傑碑

無名碑以天祿為額。其下刻一牛首。又有碑陰。上朱雀而下玄武。其中則沒字碑也。此碑之首云是

邦峻生雄傑。峻之上下各闕一字。蓋言其山川孕秀也。其間有晉陽侯廟。由彼適梁。健爲武陽之句。疑其姓楊而家健爲也。其初云畔羌動干戈。州郡無賦發。君設貲寶當。是出家財以禦寇也。其中又有君將出征及寶布字。亦是破賊之事。碑今在西川。字畫頗類李翊碑。隸釋

漢是邦碑陰沒字碑

沒字碑。是邦雄傑之陰也。與馮緄墓道一碑相類。非磨滅者。朱雀在其上。龜蛇在其下。隸續

漢益州太守城塼碑

無名碑。蜀人謂之城塼碑。未有方三百里。圍二尺字。及用人用日數。似是記板築事。首云肇自軒轅。以臻于君。則紀其族系也。游學魯衛。師孔氏門。鈞深河雒。綜覽典墳。則美其學問也。自此歷官皆剋。缺多敍討擊寇攘鳩集散流之事。有先零氏羌攻犯。及四方會聚。萬有餘人之語。三司集議。以其有謀。詔拜益州太守。餘或句有可讀。而上下文不相屬矣。隸釋

漢廣漢屬國侯李翊碑

碑無額。碑云君諱翊。字國輔。歷五官功曹守長。察孝爲郎。拜廣漢屬國侯。熹平二年卒。銘文有屬國侯李侯之語。知其姓李。復齋碑錄

漢廣漢屬國侯李翊夫人碑

廣漢屬國侯夫人碑。李翊之配也。兩碑今在渠州。歐趙時皆未出。其文云。於戲夫人。臧侯苗焉。蓋夫人之姓。臧也。其後歎辭九九十二之數。殊未易曉。中有重文數句。惟其未嘗三處。字不再出。漢婦

(原缺十一行)

懷安軍

利州路

興元府

利州

閬州

以上四軍府
州原缺。

劍州

(原缺七行)

唐立魏太尉鄧公神廟碑

唐邢册撰正書無名氏長慶四年二月五日立復齋碑

唐創建馭馬五亭記

唐南卓撰王拙正書并題額開成元年五月二十二日復齋碑

唐陰平縣記

唐鄭茵撰無書人名氏篆額大中六年五月十八日記復齋碑

唐重陽亭銘

唐李商隱撰。正書。無名氏。大中八年九月。金石錄。

唐百神堂記

唐節度吳行魯記。正書大字。無姓名。乾符三年。歲寄丙申四月二十日記。復齋碑錄。

唐冊贈張丞相順濟王并祭文

正書。無姓名。廣明二年。歲次辛丑正月庚戌朔十七日丙寅立。復齋碑錄。

唐新修順濟王廟記

正書。書撰人姓名缺。中和元年十二月記。復齋碑錄。

唐冊贈鄧艾衛聖侯勅碑

唐劍州刺史姚卓狀。鄧乾裕書。并篆額。中和五年八月十日立。復齋碑錄。

唐東溪亭詩

唐劍州節度行軍司馬任侗撰序。并詩。監軍使程山望等和者九人。無書人名氏及刻石年月。集古錄目。

梓潼五婦山神廟碑

在梓潼北四十里。寰宇記。

九龍堂記

諸道石

巴州

春秋戰國爲巴郡。秦二漢屬巴郡。蜀劉氏分屬巴西郡。晉因之。晉宋之間爲夷僚所據。宋末。始于嶺南立歸化郡。齊因之。梁又立木門郡。元魏得其地。立巴州及太谷郡。後復入梁。而太谷廢。西魏後周皆立巴州。隋開皇初。歸化木門二郡並廢。屬巴州。大業初。州廢。置清化郡。武德元年曰巴州。天寶元年曰清化郡。蜀王氏孟氏因之。今縣五。化城。難江。恩陽。曾口。通江。

漢廣漢屬國都尉丁君碑

廣漢屬國都尉丁君碑。威宗元嘉元年立。丁君名魴。字叔河。其碑僅有數句成文。如云耽樂術藝。文雅少疇。治易韓詩。垂意春秋。其仕則初爲蜀郡屬國都尉。三載功成。遷于廣漢。立碑者六十餘人。嚴子修爲之首。隸釋

漢巴郡太守張納功德敘

其前題巴郡太守都亭侯張府君功德敘。云君諱納。字子朗。渤海南皮人也。又云。丙子璽書封都亭侯。碑无卒葬年月。其後頗敘述政績。而繫以銘詩。蓋巴郡太守德政碑爾。金石錄
巴郡太守都亭侯張府君功德敘。靈帝中平五年立。今在巴州。張君名納。渤海人。碑云立姓定氏。應天文象。蓋謂二十八舍有張宿。其不經與柳敏碑同。此碑乃椽屬李元等爲之。碑陰各書曹掾之職。而不稱故吏。則是張君在郡之日所立。隸釋

漢張納碑陰

張納碑陰。題名七十有四人。從事及丞。則書其字。主簿掾史。並書名。蓋一郡之吏也。釋隸

益州從事宥渠李元次公等七十四人題名末行云。中平五年三月上旬書。君升台祚。承天百福。子

孫千億。復齋碑錄。

唐龍興寺頌

唐崔瓌撰。王幼成書。開元十五年立。諸道石刻錄。

唐救苦觀世音像銘

乾元二年正月。諸道石刻錄。

唐立巴郡太守嚴顏廟碑

唐韋曾撰。無書人姓名。貞元二十年。諸道石刻錄。

唐羊士諤遊西龕詩

元和六年。并題石壁寒食遊眺二詩。復齋碑錄。

唐刺史喬公郡齋詩

長慶元年七月。諸道石刻錄。

唐重修嚴顏神廟碑

唐馮澥撰。蒲君宰正書。天復五年十月十五日立。復齋碑錄。

唐光福寺楠木歌

唐嚴武史俊作。訪碑錄。

唐古楠行

唐鮮于侁作諸道石刻錄

唐嚴武題龍日寺西龕石壁詩

行書無姓名金石錄

唐邛昂光福寺詩

行書無姓名金石錄

唐河東薛公布政錄

唐裴真辭纂述王助書諸道石刻錄

唐兩角山記

唐刺史楊師謀撰在集州卽難江縣地唐武德四年立集州皇朝熙甯五年州廢來屬

文州

春秋戰國及秦爲氏羌地漢屬廣漢郡晉泰始中立陰平郡西魏立文州及虛化郡後周因之隋開皇初郡廢大業初州廢屬武都郡義甯二年立陰平郡唐武德元年曰文州天寶元年曰陰平郡蜀王氏孟氏因之今縣一

唐韻疏驛記

正書書撰人姓名缺碑漫滅正書額四字全天寶四年立復齋碑

泗州

蓬州

以上二
州缺。

寶刻叢編卷第十九

夔州路

夔州

都督府。春秋爲庸國之魚邑。庸滅屬巴。秦及二漢屬巴南二郡。初平六年。分屬永甯郡。建安六年。劉
璋改爲巴東郡。蜀晉宋齊皆因之。齊兼立巴州。梁曰信州。後周立總管府。隋開皇初。郡廢。大業初。
府廢。復置巴東郡。唐武德元年曰信州。二年改曰夔州。天寶
元年曰雲安郡。蜀王氏陞江軍節度。後改曰甯江。今縣二。
奉節。巫山。

漢巴官鐵量銘

漢巴官鐵量銘云。巴官永平七年三百五斤。第二十七。前代以永平紀年者凡五。漢明帝。晉惠帝。後魏宣武。李密。僞蜀王建。惟明帝至十八年。其他皆無及七年者。以此知爲明帝時物也。金石錄。

銘云。巴官永平七年三百五斤。第二十七。此盆色類丹砂。黃魯直石刻云。其一曰秦刀。巴官三百五十。戊。永平七年第二十七。西。余紹興庚午親見之。今在巫山縣治。資古紹志錄。

巴官鐵盆銘十六字。顯宗永平七年造。建中靖國初。黃魯直自戎州東歸。厥弟叔向攝邑巫山。有大鹽盆積水堂下。以植蓮芡。魯直去其泥而識之。其文鑄出鐵上。故雖有發筆而勢不可縱。人或指以爲篆。首行唯有一字如巳而反。最後一字如西而有連筆。魯直以爲前刀而後酉爾。謂之秦篆。又以斗爲戊。皆誤也。隸續。

漢巴官鹽量銘銘三行十六字。量在巫山。舊蓄水種蓮。建中初。山谷濯去污泥。得款識。謂前一行乃秦篆。曰刀。其二曰巴官三百五十戍。其末曰永平七年第二十七酉。當是時。歐陽公已下世。不及見。不得以入錄。趙德夫雖得以入錄。其攷正乃云。巴官永平七年三百五斤第二十七。殊失次序。无義理。余服山谷之言多。是唯首行以勺爲刀。余疑是乙。量以甲乙名之。乙次甲。其第二量乎。次曰巴官三百五十戍。巴官。巴都官量也。以代爲戍。疑是斗。言此量所容三十五石耳。其最後行曰永平七年第二十七酉。按明帝永平七年正月二日乙酉。至十一月十九日丁酉。凡二十七酉。記此量成于丁酉。爾絳老人四百四十五甲子之義也。余生晚。恨不見山谷。集古錄

晉都鄉侯斷碑

上半不存。不知姓名。末行有升平二年三月上旬立。復齋碑錄

唐雜言神女詞

唐忠州刺史李吉甫撰。正書。無姓名。貞元十四年正月二十五日刻。復齋碑錄

唐題巫山詩

唐蔡穆撰。沈幼真行書。元和五年十一月。金石錄

唐神女廟詩

唐荆南節度判官敬騫撰。試左金吾衛兵曹參軍沈幼真書。元和五年十二月刻。在巫山。集古錄

唐白帝城新修祠廟記

唐刺史廳壁記

唐劉禹錫撰。正書。無姓名。長慶二年。復齋碑

唐神女廟詩

唐李貽孫撰。正書。無名。會昌五年九月。金石錄

唐都督府記

唐夔州刺史李貽孫撰。繆師愈書。其記州之城壘祠宇古跡甚備。碑以會昌五年十一月立。集古錄

余嘗謂唐世人工書。故其名堙沒者。不可勝數。每與君謨歎息于斯也。如貝靈該。繆師愈。今人尙不知其姓名。況其書乎。余以集錄之博。僅各得其一爾。集古錄

唐丘玄素神女廟記

唐夔州刺史丘玄素詩一首。無刻石年月日。集古錄

後唐重修白帝廟記

劉綸述。并行書。篆額。長興二年六月記。復齋碑

前蜀重修水陸院佛殿記

右拾遺張恂撰。諸道石刻錄

白帝廟石笋詩三首

諸道石刻錄。

黔州

春秋爲巴地。戰國屬楚。秦昭王伐楚。取黔中以屬黔中郡。二漢屬武陽郡。晉宋齊皆因之。後不實服。後周武帝時。變黔以爲地歸附。初立秦州。後改曰黔州。不帶縣。隋爲黔安郡。唐武德元年曰黔州。天寶元年曰黔中郡。蜀王氏。陞武泰軍節度。今縣二。彭水。黔江。

漢孝廉柳敏碑

碑云君諱敏其先蓋五行星仲二十八舍柳宿之精也其說可謂恠矣此碑以柳君得姓出于柳宿果何所據哉金石錄

孝廉柳君碑柳君名敏歷五官功曹宕渠令碑以孝廉稱之重其行也其父亦因孝廉除郎中碑字雖有漫滅考其父意蓋柳君以本初元年再爲郡守所舉不幸而死後二十三年縣令趙臺念其墓無碑識故爲立石時靈帝建甯二年也隸釋

孝廉柳敏碑今在黔州隸釋云敏嘗爲郎中五官功曹宕渠令死後二十三年縣令趙臺念其墓無碑識故爲立石時靈帝建甯二年也余考之不然其以孝廉除郎中者敏之父也歷五官功曹宕渠令者敏也其言建甯元年趙臺念素帛之義其二年十月甲子爲君立碑者建甯三年也按范曄漢紀建甯二年十月庚子晦日有食之逆數而上十月無甲子趙德夫金石錄識于目錄之下云建甯二年六月然此碑其稍漫不可識者財十有四字其可識者三百十字而十月甲子又特全好無昏

舛可信而不疑。況是年六月一日辛未，亦無甲子。唯建甯三年十月乃正得甲子朔。碑所謂其二年者，元年之後二年也。集古後錄。

漢柳敏碑陰六玉

柳敏碑陰其上刻一禽若鳳，其下則麟也。中有牛首銜環，兩旁凡六玉。其右則瑁圭璧，其左則琮璋

璜。隸續

忠州

春秋戰國爲巴地。秦屬巴郡。二漢屬晉。宋齊皆因之。梁立臨江郡。後周兼立臨州。隋開皇初。郡廢。大業初。州廢。屬巴東郡。義寧二年。復立臨州。唐貞觀八年改曰忠州。天寶元年曰南賓郡。前蜀後蜀因之。今縣四。臨江。墊江。南賓。曹都。

三老楊信碑

縣三老楊信碑。石已剝解。有成章者。惟官氏名字俱存。所云陳留太守。則其父祖也。其文有蠻夷盜賊及獎厲兵甲之句。蓋是述其扞寇之績。其官惟有官掾功曹四字。其中有惟兮和平大漢元年之文。惟兮歎惜之辭。和平者。威宗之紀年。其末云七十有二遭疾。則其所終之壽也。隸釋

唐仙都觀王陰二仙翁碑

唐李虔之撰。施楚玉正書。景雲二年正月立。金石錄。

唐仙都觀王陰二真君碑

唐薛鏡一撰。宇文楚珪正書。景雲三年正月立。錄。復齋碑。

唐明皇夢真容詔

開元中刻。諸道石刻錄。

唐明皇送太守康公詩

唐明皇御製。并行書。古篆額。天寶十三年二月建。錄。復齋碑。

唐御製御書詩刻石記

唐南賓太守康昭遠謹述。天寶十三年甲午二月七日癸酉建。錄。復齋碑。

唐仙都觀王陰二真君影堂碑

唐李吉甫撰。儲伯陽行書。貞元十四年正月立。錄。金石。

唐論士洲記往復書

唐段文昌撰。房式述。正書。無姓名。貞元十七年十一月。錄。金石。

唐土洲耆老思舊記

唐段文昌撰。王玄同正書。貞元十五年記。元和十五年十一月建。錄。復齋碑。

唐修仙都觀記

唐段文昌撰。李師復正書。大和七年正月五日記。錄。復齋碑。

唐題仙都觀詩

唐南卓張次宗作。大和八年五月十八日。復齋碑錄。

唐仙都觀修齋靈感記

唐段成式撰。李騰書。咸通四年五月十七日立。復齋碑錄。

唐扶風公創造仙都觀天尊殿石像記

唐憲宗儒撰。尹翊正書。并題額。咸通四年十一月十三日記。復齋碑錄。

唐仙都觀老君石像記

唐馮涯撰。尹翊正書。咸通五年七月五日記。復齋碑錄。

唐仙都觀新建南樓記

唐柳駢撰。楊珪書。咸通三年四月記。乾符二年七月建。復齋碑錄。

唐仙都觀黃籙齋祥瑞詔

中和二年。諸道石刻錄。

前蜀仙都觀石函取經記

杜光庭撰。正書。天復七年四月。復齋碑錄。

後蜀重刻盧播平聲詩

廣政五年十月三日。楊仁煦以舊本重刻。復齋碑錄。

萬州

春秋戰國爲巴地。秦二漢屬巴郡。建安中。分屬巴東郡。晉宋齊皆因之。後周立安鄉南郡二郡。兼立南州。後改安鄉曰萬州。南郡曰懷德。隋州郡並廢。屬巴東郡。唐武德二年。立南浦州。八年。州廢。屬夔州。九年。復立。曰浦州。貞觀八年曰萬州。天寶元年曰南浦郡。前蜀後蜀因之。今縣二。南浦。武甯。

漢真道家地碑

真道家地碑。延熹七年。真道以錢八千。從真敖兄弟市此地。廣二十二丈。其文戒約後世作家。取土方隅。但得宿山居留。不得爭訟舍地。怖之以天帝誅疾。勸之以勉崇孝道。戒之以不得違犯先人之約。字札紊碎。不能盡通。隸續

唐永州刺史冉仁才碑

唐張昌齡序。李崇真行書。弟子恂書石。龍朔三年二月十二日立。復齋碑

唐岑先生銘

唐嚴浚撰。正書。無姓名。乾元三年四月。金石錄

唐大雲寺岑公石洞志

唐段文昌撰。元和八年十月立在大雲寺。復齋碑

涪州

春秋戰國屬巴地。秦二漢屬巴郡。建安二十一年。蜀分立涪陵郡。晉因之。後廢而復立。隋開皇初。又廢。屬渝州。唐武德元年。析置涪州。天寶元年曰涪陵郡。前蜀後蜀因之。今縣三。涪陵。樂溫。

漢廣漢綿竹令王君神道

建甯元年十月造。縣令字作苓。漢人淳質。文字相近者。多假借用之。如縣令字人所常用。而尙假借何邪。金石錄。

廣漢綿竹令王君神道九字。微雜篆體。綿字作曰下木。略與縣字相混。故趙氏誤作廣漢縣令。而謂其借苓爲令也。歐陽公博收並著。顧勿深考。姓名字畫。多有誤讀者。德父治郡之餘。專意金石刻。辨證亦甚精確。獨此碑爲可笑爾。隸釋。

漢劉讓閣道題

劉讓所題十六字。相傳云在蜀中閣道。建甯者。靈帝年號。漢碑書隸爲之。隸皆作隹。隸釋。

建甯元年十月上旬工。隹爲武陽劉讓題。十六字作一行。金石錄誤以此合之。廣漢王君神道。

□□思寺彌勒古像記

元化三年五月二十一日。復齋碑錄。

恭州

古巴子之郡。戰國爲秦所併。立巴郡。二漢因之。初平六年。分巴爲二郡。以江州爲永甯郡。建安六年。復爲巴郡。晉宋齊因之。梁兼立楚州。西魏後周因之。隋開皇初。郡廢。改州曰渝州。大業初。州廢爲巴郡。唐武德元年曰渝州。天寶元年曰南平郡。蜀王氏孟氏皆因之。皇朝崇甯元年更名。今縣三。中巴。江津。壁山。

晉夜郎太守母稚碑并陰

晉故甯遠將軍綏蠻護軍夜郎太守母府君之神碑。隸額二十字。君諱稚。字君孫。隆安三年歲運己

亥十月十五日。主簿張熊等立。

碑陰。司馬行談指令巴西陳缺碑參軍事行夜郎令巴西楊玉等題名錄。復齋碑

晉義熙靈石社日記

石以二月社日。先鑿傳銘於圮必泰。今大篲既正。皇晉中興。西寇有獨盡之勢。門洛有可乘之兆。

年豐氣和。物甯其極。曠代冥微。復著於今。輒抑奉時。仰協人會。飛祿命旅。廟甯岷夏矣。義熙三年二

月八日戊申社日記。復齋碑

唐渝州遊仙觀杜法師功德碑

唐韓太沖撰。王義臨書。法師諱隱居。字貞幹。垂拱三年立。復齋碑

唐張萱靈石碑

天寶十五載正月。下十碑並諸道石刻錄

唐王昇靈石碑

乾元三年二月

唐郭英幹靈石碑

廣德二年二月

唐楊冕靈石頌

大歷四年正月

唐李全靈石詩

大歷十年正月

唐任超靈石碑

建中四年正月

唐賀若公靈石碑

溫從撰大和七年二月

唐陳君從靈石銘

陳憲撰會昌四年

唐牟崇厚靈石銘

張孟撰大順元年二月

唐張武題記

景福元年三月二日

唐牟知猷靈石詩

景福元年三月十日

梁山軍

皇朝開寶三年。以石氏屯田務立縣一。梁山。

漢都鄉孝子嚴舉碑

都鄉孝子嚴舉碑。崇七尺。其二分之一。橫有裂文。近歲出梁山軍所傳者。皆至裂文。止石理斂剝。文意間斷。不知其尙有闕遺也。予再得之。始是全碑。嚴舉姓名甚分明。其碑有文有頌。又有辭曰。十六句。蓋嚴舉之父仕至郡守。三女無男。以舉爲後。舉能和顏奉親。送終盡孝。母氏年老。事繼若真。德刑州里。官表門閭。弟子共爲立碑。又有數行。載邑官甄表之。因顯稱其爲父行喪。服制踰禮。延熹之七年也。隸續

漢嚴舉碑陰

碑云。丞廣漢屬國王杜字文桓。左尉健爲南安周位。字惠照。三十六人題名。多稱弟子者。復齋碑錄

漢謁者北屯司馬左都候沈府君神道

漢交阯都尉沈君神道

交阯都尉沈君二神道。其上各刻朱雀。其形相向。知此蓋是一人。猶王稚子闕。盡書其所歷官也。其下又刻龜蛇虎首。所畫甚工。此字及馮煥王稚子闕。皆是八分書。張懷瓘所謂作威投戟。騰氣揚波者也。隸釋

漢鄭子真宅舍殘碑

鄭子真宅舍殘碑所存其上十數字。餘石碎矣。首云所居宅舍一區。直百萬。繼云故鄭子真地中起舍一區。七萬。凡宅舍十有二區。其次有辭語有歲月云。平四年上存四點。必熹平也。隸釋

漢金廣延母徐氏紀產碑

金廣延母徐氏紀產碑。其辭云。光和元年五月中旬。金廣延母自傷紀考。妣徐氏元初產。永壽元年出門。託軀金掾季本。自此之後。其石半滅。所存者其下段爾。徐氏歸于季本。有男曰恭。字子肅。早終。故立從孫廣延爲後。廣延弱冠而仕。又復不祿。碑云。廣延年十八。娶婦徐氏。子肅亦有年十八字。而闕其下文。當亦是載其昏聘。子肅殘碑亦有妻字可證。此碑字子肅之上有兩字不甚明。上一字髟。髟是恭。其下頗類成字。但漢人無二名。而金恭有墓闕及殘碑。皆云恭字子肅。可以證季本之子字子肅者。卽金恭也。但恭之下多一字。所不可曉。隸釋

漢鉅鹿太守金君闕

鉅鹿太守金君闕七字。今在蜀道。不知其人也。隸釋

漢處士金恭闕

處士金恭。字子六。字子下一字。惟存一筆。以墓碣及金廣延母碑參之。知其字子肅也。此石圭首甚銳。其上刻三足鳥。其次橫刻此數字。其下有一人執扇而乘馬。二旁有螭銜環。近歲出于雲安軍土

中·隸釋

漢金恭碑

金恭碑其石剝缺殘章少有可句者金掾季本即其父也二弟曰廣延曰雍直其母徐氏有紀營產碑隸釋

唐楊雲升尊師碑

杜光庭撰在雲昇宮復齋碑

福建路

福州

大都督府·春秋為七閩地·秦為閩中郡·漢武帝為治縣·屬會稽郡·東漢因之·吳分屬建安郡·晉太康三年立晉安郡·宋齊因之·陳兼立閩州·後改曰豐州·隋平陳·郡廢·改州曰泉州·大業初·州廢·立建安郡·唐武德元年曰泉州·景雲二年曰閩州·開元十三年改今名·天寶元年曰長樂郡·後陞威武軍節度·唐末為閩王氏所據·石晉時入吳越·後周改彰武軍·皇朝太平興國二年·復曰威武軍·今縣十二·閩縣·侯官·福清·懷安·長溪·連江·古田·長樂·永福·閩清·羅源·甯德·

觀音寺古篆

篆書十字在福州永泰縣觀音院後山上閩人黃孝立為予說曰山無名而甚高峻石皆頑無復鐫刻之迹如人以手指畫泥而成文隨圓石之形環布之孝立嘗至廣州見南蕃人以夷法事天日夕拜金書字圖號天篆者視其與此正同然不能攷也今世人亦有以道家之言譯之者曰勸道守

無名書凡十字體如篆籀其文非字書所有在福州永泰縣觀音院後山上如以手指書石而爲之
非人迹也。集古錄目。

唐東山愛同寺懷道閣梨碑

唐括州刺史李邕撰并書閣梨姓陳氏爲福州愛同寺僧碑以開元二十五年七月立。集古錄目。

大乘愛同之寺

唐李邕書刻錄。諸道石

唐般若臺題

唐李陽冰篆大歷七年立。金石錄。

在神光寺石壁上大字二十四字著作郎兼監察御史李貢造。諸道石刻錄。

唐東山懷一律師碑

唐皇甫政撰褚長文正書丘悌篆額貞元八年四月十五日立。復齋碑錄。

唐愛同寺西院大律師碑

唐劉太真撰于頔書貞元八年立。諸道石刻錄。

唐貞元無垢淨光塔銘

唐庾承宣撰無書人名氏篆額貞元十五年四月立。諸道石刻錄。

唐東山愛同兩寺義食堂畫壁記

唐馮審撰顏顥書篆額元和四年五月刻錄。諸道石刻錄。

唐馮審撰分書無姓名篆額元和八年立。復齋碑錄。

唐聖泉寺法華院記

唐劉軻撰大和四年立碑三面皆刻字。諸道石刻錄。

唐新造上生院記

唐李貽孫撰正書無名大中六年四月十三日立在神光寺。復齋碑錄。

唐毬場山亭二十詠并序

唐福州刺史裴次元作大中十年刻。諸道石刻錄。

唐閩遷新社記

唐攝館驛巡官前進士濮陽寧撰書爲八分不著名氏福州刺史楊君碑不著名。改立新社稷風雨壇。

逆記其壇墼室宇之制碑以大中十年十一月立。集古錄。

其辭云大中十年夏六月關西公命遷社于州城凡築四壇壇社稷其廣倍丈有五尺其高倍尺有五寸主以石壇風師廣丈有五尺高尺有五寸壇雨師廣丈而高尺云文字古雅甚可愛嗚呼唐之禮樂盛矣其遺文有足采焉州縣社稷有主見于此記蓋大中時其禮猶在也按唐書楊發自蘇州刺史爲福建觀察使至大中十二年遷嶺南節度以歲月推之關西公者楊發也。集古錄。

唐北峯鎮國禪院額

唐柳公權書。咸通二年八月八日題。陶中說云。在懷安縣北。諸道石刻錄。

唐建天王堂記

唐盧標撰。咸通七年立。諸道石刻錄。

唐神光寺碑

唐李助撰。盧元書。并篆額。咸通八年十二月立。閩中記云。神光寺在城內烏石山正西。諸道石刻錄。

唐定光塔記

唐黃滔撰。進士劉城書。并篆額。天祐二年立。諸道石刻錄。

唐南澗寺石像記

唐四門助教歐陽詹撰。諸道石刻錄。

晉尊勝經幢

李紹元書。天福九年立。諸道石刻錄。

後周尊勝經幢并記

僧文瑛記。顯德三年立。諸道石刻錄。

後周外湯院置田記

大德亞山高述。顯德六年十一月立。諸道石刻錄。

漳州故羅漢禪師碑

張庶撰僧匡政書閩王昶通文元年建諸道石刻錄。

閩忠懿王德政碑

于競撰諸道石刻錄。

大瀉延聖禪師碑

崔胤撰諸道石刻錄。

建州

春秋爲七閩地。戰國爲越人所居。秦屬閩中郡。二漢屬會稽郡。吳永安三年。分置建安郡。晉宋齊梁因之。陳屬閩州。後屬豐州。隋平陳郡。廢屬泉州。大業初。州廢。屬建安郡。唐武德四年立建州。天寶元年曰建安郡。唐末爲閩王氏所有。陞鎮武軍節度。石晉時。入南唐。改永安軍。又改忠義軍。後降軍事。皇朝端拱元年。建建甯軍。今縣七。改建安。甌甯。建陽。浦城。崇安。關隸。松溪。

唐黃奮廟記

唐吳安世撰并正書廣德二年六月初三日記復齋碑錄。

泉州

春秋爲七閩地。戰國爲越人所居。秦屬閩中郡。漢屬閩越國。後及東漢屬會稽郡。吳屬建安郡。晉屬晉安郡。宋齊因之。後置南安郡。隋平陳。郡廢。屬泉州。唐初亦屬焉。聖歷二年立武榮州。三年廢。久視元年復置。景雲二年更名。天寶元年曰清源郡。唐末爲閩王氏所有。石晉時附于南唐。陞清源軍節度。皇朝陞平興國三年。改平海軍。今縣七。晉江。南安。同安。惠安。永春。清溪。德化。

唐二公亭記

四門助教歐陽詹撰在東湖諸遺石刻錄

廣南東路

廣州

都督府。古蠻夷之地。春秋戰國爲百越。秦立南海郡。二漢因之。建安十五年兼立交州。吳永安六年平立廣州。晉宋齊梁陳因之。隋平陳。郡廢。仁壽元年曰番州。大業初州廢。復立南海郡。唐武德四年平蕭詧。立廣州。天寶元年曰南海郡。後建清海軍節度。五代爲南漢劉氏所據。皇朝開寶四年收復。今縣七。
南海。番禺。清遠。增城。
懷集。東莞。新會。

梁羅浮山銘

梁廣州刺史河東王蕭缺撰。參軍蕭世貞書。中大同元年立。集古錄

唐貪泉銘

唐南海別駕陳元伯撰。嶺南黜陟判官薛希昌倒薤篆書。天寶五年四月立。集古錄

唐張九臯祭南海冊

天寶十載三月刻。復齋碑錄

唐南海廣利王神廟碑

唐袁州刺史韓愈撰。循州刺史陳諫書。并篆額。元和十二年廣州刺史孔戣重修南海神祠。以十五年十月立。此碑在南海廟中。集古錄

韶州

春秋爲百越地。戰國爲楚。秦屬南海郡。二漢屬桂陽郡。吳甘露元年。分立始興郡。晉因之。宋改曰廣興郡。齊復曰始興。梁陳因之。隋平陳。郡廢。屬廣州。唐武德四年。平蕭銑。立番州。尋改爲東衡州。貞觀元年。更今名。天寶元年。曰始興郡。唐末爲盧光輔所據。後入南漢。今縣五。

曲江。翁源。樂昌。仁化。建福。

漢周府君碑

漢隸不著書撰人名氏。韶州圖經云。郭蒼撰。初桂陽有瀧水。人患其險。太守下邳周憬。字君光。頽山鑿石以通之。延熹三年。故吏區社刻石以紀功。并社等故吏題名者三十二人。在韶州樂昌縣昌樂

瀧上周居廟中目。集古錄

按韶州圖經云。後漢桂陽太守周府君廟。在樂昌縣西一百一十八里。武溪上。武溪驚湍激石。流數百里。昔馬援南征。其門人轅寄生善吹笛。援爲作歌和之。名曰武溪深。具辭曰。滔滔武溪。一何深。鳥飛不渡。獸不能臨。嗟哉武溪。何毒淫。周使君開此溪。下合真水。桂陽人便之。爲立廟刻石。又云。碑在廟中。郭蒼文。今碑文磨滅。云府君字君光。而名已訛。缺不可辨。圖經但云周使君。亦不著其名。後漢書又無傳。遂不知爲何人也。按武水源出郴州臨武縣鷓鴣石。南流三百里。入桂陽。而桂陽真水。梨溪。盧溪。曹漢諸水。皆與武水合流。其俗謂水湍浚爲瀧。韓退之詩云。南下昌樂瀧。卽此水也。碑首題云神漢者。如唐人云。聖唐爾。蓋當時已爲此語。而史傳他書無之。獨見于此碑也。

余初得前本。恨其名遂磨滅。後有國子監直講劉仲章者。因出其碑而爲余言。前爲樂昌令。因道府

君事云名憬問其何以見之云碑刻雖闕尙可識也乃以此碑并陰遺余蓋前本特模者不工爾集並

古錄

神漢桂陽太守周府君功勛之紀銘隸額周君名憬自固始相爲桂陽守碑云熹平三年歲在攝提仲冬之月曲紅長區祉與邑子故吏建碑于瀧上蓋靈帝甲寅年也茲水發源王禽山千渠萬滄下湊六瀧舟楫過之若奔車失轡狂牛無糜喪寶玩流象犀積有日矣周君思夏后龍門之績感李冰離堆之事排治湍梗人得利涉故紀其功勛銘辭全逼騷雅有瓠子歌遺意韓退之詩云南下樂昌瀧險惡不可狀者卽謂此也樂史寰宇記云瀧上有太守周听廟今碑在韶州張九齡廟中其名尙隱隱可辯蓋憬字也予嘗侍親度嶺留英州其郡東亦有瀧問之云彼處壤沃宜稻而山甚高峭僅有鳥道負擔者不可下土人斬竹爲簾以器貯米實其上俟雨至澗通隨飛瀑魚貫而下注于深潭入水底始再出碎于石者什五六謂之瀧如此隸釋

漢周憬碑陰

周憬碑陰宰曲紅者一人貫曲紅者十六人熊君碑亦同兩漢書皆作曲江諸家地里書皆云水流屈曲故曰曲江唯水經云縣昔號曲紅山之名也前書工女大功皆只同用紅字未知水經何所據也隸釋

唐廣果寺能大師碑

唐武平一撰正書無姓名開元七年立諸道石刻錄

唐張九齡贈司徒告

建中元年諸道石刻錄

唐中書令張曲江碑

唐廣州刺史嶺南節度使徐浩撰并書。曲江名九齡字子壽一字傳物。韶州曲江人。開元中官至中書令。罷為尚書右丞相。貶荊州長史。諡曰文獻。碑以大歷中書撰。長慶三年刻石。集古錄

唐張九臯碑

唐工部尚書蕭昕撰。九臯孫曹州刺史仲方書。九臯范陽人。仕至殿中監。以長慶三年立目。集古錄

潮州

春秋為七閩地。戰國為越人所居。秦屬南海郡。漢屬南越。後及東漢屬南海。晉屬東官郡。安帝分立義安郡。宋齊以後因之。梁立楊州。改曰瀛州。及陳時州廢。隋平陳。郡廢。立潮州。大業初。州廢。復立義安郡。唐武德五年曰潮州。天寶元年曰淳陽郡。五代為南漢所有。今縣二。潮陽。海陽。

唐大顛禪師壁記

大顛名寶通。壁記歷敘其所居并退之請。大顛三書。皆國初重刻。無書人名氏目。集古錄

連州

春秋為百越。戰國屬楚。秦屬長沙郡。漢屬桂陽郡。吳晉屬始興郡。宋明帝立宋安郡。後廢。屬廣興郡。齊復屬始興郡。梁立陽山郡。隋平陳。郡廢。置連州。大業初。州廢。置熙平郡。唐武德四年。平蕭銑。立連州。天寶元年曰連山郡。唐末為楚馬氏所有。後入南漢。今縣三。

桂陽·陽山·連山·

梁靜福山廖先生碑

先生姓冲字清虛。梁中大同年居此山。唐連州刺史蔣珍立此碑。復齋碑錄。

唐真女峽楞伽臺置寺敕

大歷六年十一月。諸道石刻錄。

唐放生池銘

寶歷元年四月二十一日。刺史蔣防立。復齋碑錄。

端州

古百越地。秦屬南海郡。二漢吳晉屬蒼梧郡。宋齊屬南海。陳立高要郡。隋平陳郡廢。立端州。大業初。州廢。信安郡。唐武德元年曰端州。天寶元年曰高要郡。五代為南漢所有。皇朝建中靖國元年。陸興慶軍節度。今縣二。要高。四會。

唐石室記

唐李邕撰。不著書人名氏。考其筆蹟。似張庭珪書。疑張庭珪所書也。集古錄。

唐李邕撰。并書。端州刺史畢守恭與僚佐游于石室。為此記。以開元十五年正月立。集古錄。

李北海端州石室記。樂史所謂嵩臺。在高要縣北五里。李邕有記。即此記也。按南越志。高要有石室。

自生風烟。南北二門。狀如人巧。人以為神仙都。因名嵩臺焉。記無書人名氏。歐陽公疑為張庭珪書。

集古後錄

唐石室題名

唐端州司馬李紳長慶四年遊石室題名

集古錄

端州石室李紳題名云長慶四年二月自戶部侍郎貶官至此嗟夫黨議之興君子窮也初紳為翰林學士與李德裕元稹號三俊李逢吉中傷元稹擯德裕引相牛僧孺立黨相軋又用八關十六子之計必于陷紳會穆宗上賓逢吉言于新天子曰紳嘗不利于陛下遂自戶部貶端州司馬牛李之憾益甚搢紳之禍四十年不解嗟夫余念之悲恨數日

集古後錄

唐石室題名

魏元忠書刻錄

諸道石

新州

古百越之地秦屬南海郡二漢屬合浦郡晉屬蒼梧郡穆帝分立新甯郡宋齊因之梁立新州隋平陳郡廢大業初州廢屬信安郡唐武德四年平蕭銑立新州天寶元年曰新昌郡後改曰新興五代為南漢所有今縣一新興

唐新興縣令光燕客清德碑

唐閻朝隱撰王麟行書景龍二年戊申九月十六日建

復齋碑錄

康州德慶府

古百越地。秦屬南海郡。二漢吳晉屬蒼梧郡。穆帝分立晉康郡。宋以後因之。梁又立開陽平原維陽等郡。隋平陳。郡俱廢。屬端瀧二州。大業初。屬信安。永熙二郡。唐武德四年。立瀧州。六年。立康州。天寶元年。康州曰晉康郡。瀧州曰開陽郡。五代爲南漢所有。皇朝開寶五年。廢康州入端州。尋復立。六年。廢瀧州入晉康郡。今縣二。端溪。瀧水。

唐新修龍母廟樓碑

唐李景休撰。郭齊正書。大和六年正月一日記。錄。復齋碑。

英州

古越地。戰國屬楚。秦屬南海郡。二漢屬桂陽郡。吳屬始興郡。晉宋以後因之。梁又立衡州及陽山郡。隋平陳。郡並廢。改州曰涯州。開皇二十年。州廢屬廣州。唐因之。五代時。南漢立英州。今縣二。浚陽。浚光。

唐南巖亭記并到難篇

唐李蕃撰。不著書人名氏。浚陽縣南山巖上有石室。縣令侯著因之以立亭。故以爲名。河南府。

(下闕)

唐果業寺開洞谷記

唐元傑撰。不著書人名氏。浚陽果業寺之東。有石洞谷。嘗有方士學道于其中。其石座丹竈猶存。歲久荒廢。無復有跡。傑與寺僧智捷復開其路。以元和十一年立此記。目。集古錄。

廣南西路

靜江府

都督府。古百越之地。戰國屬楚。秦屬桂林郡。二漢屬零陵蒼梧二郡。吳甘露元年。立始安郡。晉因之。
 宋明帝改為始建國。齊復曰始安郡。梁兼立桂州。隋平陳。郡廢。大業初。州廢。復為始安郡。唐武
 德四年。平蕭銑。立桂州。天寶元年。曰始安郡。唐末
 陸靜江軍節度。為楚馬氏所有。後入南漢。今縣十。
 臨桂。興安。靈川。陽朔。荔浦。
 永福。修仁。義甯。理定。古縣。

唐平蠻頌

唐韓雲卿撰。韓秀寶分書。李陽冰篆額。大歷十二年立。諸道石刻錄。

按西原蠻在唐為邊患久矣。自肅宗至德以來。百餘年間。諸蠻更相雄長。乍服乍叛。攻桂管十八州。所至焚廬舍。掠士女。元道州所謂城池井邑。但生荒草。登高極望。不見人烟。蓋實錄也。今此碑所序。大歷十一年。賊帥潘長安偽稱南安王。誘脅夷蠻。連跨州邑。南距雕題交趾。西控昆明夜郎。北泊黔巫。衡湘。毒如彼其廣。天子命隴西縣男昌巖持節招討。禽獲元惡。并其將率八十四人。生獻闕下。其俘虜二十餘萬。並給耕牛種糧。令還舊居。助烈如此之著。其列傳俱闕。而不書。歐趙集古金石之文。又偶不得此碑入錄。鄉非事著于碑。而碑錄于余。其遂無聞矣。集古後錄。

唐新步虛詞十九首

茅山玄靜先生門人朝議郎守太府卿章渠牟撰。貞元十七年立。字畫清勁。諸道石刻錄。

唐新開隱山六洞記

唐都防禦判官侍御史內供奉吳武陵撰。防禦衙推韓方明八分書并篆額。李渤游于州之西山。其漢谷潭洞。皆人所未嘗至者。遂名之曰隱山。構亭榭于其上。以寶歷元年八月立此記。集古目錄。

唐隱山六洞記

唐章宗卿撰。李方古書。寶歷元年。諸道石刻錄。

唐杜鵑花詩二首

唐張濬及嶺南節度使劉崇龜唱和杜鵑花詩二首。前監察御史張巖書。乾甯元年刻。集古錄。

唐新修堯舜二祠祭器記

唐趙觀文撰。顏起正書。并篆額。乾甯五年八月十五日建。復齋碑錄。

玄元綸言

諸道石刻錄。

容州

都督府。古百越之地。秦屬象郡。漢屬南越。後及東漢屬合浦郡。晉宋以後因之。隋為合浦永平二郡。唐武德四年。平蕭銑。立洞州。貞觀八年。改為容州。天寶元年曰普甯郡。五代為南漢所有。陞為甯遠軍節度。皇朝開寶五年。廢。纒馬順三州入焉。今縣三。
晉甯。北流。陸川。

唐景星寺碑

唐容州都督盧藏用撰。并分書。篆額。開元四年立。諸道石刻錄。

唐元結德政碑

唐大歷中立。諸道石刻錄。

梧州

古百越之地。秦屬桂林郡。漢元鼎六年立蒼梧郡。東漢建安八年。立交州牧治此。十五年。徙治番禺。晉宋齊梁陳爲蒼梧郡。隋平陳。郡廢。屬封州。後屬蒼梧郡。唐武德四年。平蕭銑。立梧州。天寶中。復曰蒼梧郡。五代爲楚馬氏所有。後入南漢。今縣一。蒼梧。

唐冰泉銘

唐大歷間容州刺史元結撰。貞元十二年正月十六日。章武重修并書。復齋碑

柳州

古百越之地。秦以後地里與象州同。唐平蕭銑。立昆州。是年改曰南昆州。貞觀八年。又以地當柳星更名。天寶元年曰龍城郡。五代爲南漢所有。今縣三。馬平。洛容。柳城。

唐柳州山水記

唐柳宗元撰。元和十年立。諸道石刻錄

唐重復大雲寺記

唐柳宗元撰。正書。無名篆額。憲宗時立。復齋碑

唐羅池廟碑

唐吏部侍郎韓愈撰。中書舍人沈傳師書。柳州刺史柳宗元死而爲神州人立廟于羅池。碑以長慶元年正月立。集古錄

唐柳州井銘

唐柳宗元撰。沈傳師書。長慶三年立。字畫頗不工。疑後人僞爲。然以子厚集本校之。不同者數字。此本爲善。又恐工人模刻不甚精好爾。金石錄。

寶刻叢編卷第二十

諸書所錄刻石地里未詳

西漢石刻

鄭三益闕銘

武帝建元二年自劉聰後屢以建元紀年此銘字畫非晉已後人書金石錄

尉府靈壁甄文金石錄作陽朔塼字

陽朔塼字云尉府壺壁朔陽四年正朔始造設已所行字畫奇古西漢文字世不多有此字完好可喜然所謂尉府壺壁又云已所行者莫曉其爲何等語金石錄

尉府靈壁甄文四行十二字成帝陽朔四年造西漢字見于彝器者皆是篆文此甄分行作碁局大眼數字略有隸體與會稽路都尉闕頗相似趙德夫云士大夫考正前代遺事其失常在好奇孔子曰君子于其所不知蓋闕如也予謂建元名年不止西都有之鄭三益闕全是晉人筆札趙乃定爲武帝時碑深誤後學闕如之戒若何資州重刻燕然銘自竇憲之後誰曾再登此山若當時椎拓者無緣留到今日兼東都之初石刻未如此齊整一見可知其僞續

東漢石刻

路君闕銘二

其一云會稽東部都尉路君闕永平八年四月十四日庚申造其一云君故豫州刺史溫令元城令公車司馬令開陽令謁者議郎徵試博士路君不知爲何人按漢書志建武六年省諸郡都尉唯邊郡往往有之豈會稽邊海故置此官歟又任延嘗爲會稽西部都尉而此云東部疑當時會稽分東西部各置都尉史不載爾金石錄

會稽東部都尉路君闕明帝永平八年造東都冢墓間石刻傳于後世者自此始趙氏云建武中省諸郡都尉唯邊郡有之豈會稽邊海故置此官歟任延嘗爲會稽西部都尉而此云東部疑會稽分東西部各置都尉史不載爾予按衡方碑亦嘗爲會稽東部都尉乃威宗之時則東都蓋有此官未嘗併省范史雖不具載而它書亦可稽據

豫州刺史路君二闕前闕七行二十七字書其所歷豫州刺史至徵試博士凡八官後闕亦七行二十一字云會稽東部都尉路君闕其次書造闕年月日永平之八年也字畫兼用篆體前闕人物之後小字一行卻是隸文豫州前後各一人執杖負劍嚮字立東部之前亦一人執杖負劍又有一人正面立腰下垂佩兩手各有所執末亦一人執杖負劍而其前又有一人側面嚮字立手中亦有所執蓋是摹前雙闕如王稚子高貫方之類但二闕無姓名此其異爾並錄

延年益壽棹題字

延年益壽棹文三行十八字今在蜀中安帝永初七年造謂之萬歲延年益壽棹當是壽冢中所刻如梁相孔耽碑之類建初中曹叔文汝伯甯輒皆有萬歲舍之文恐彼亦是壽藏之物續

孝子董蒲闕

孝子董蒲闕。其中刻一禽頗大。兩旁各一獸銜環佩之屬。甚類處士金恭闕。禽之下橫書七行。云孝子澄卿宜利里。董蒲亦與金恭闕相類。禽之右有一行。云永甯二年三月辛巳朔十一日辛卯。掾李純有秩張成。其間數字難辨。此闕先書年月朔日。又有掾史姓名。與墓門之闕不同。必董君孝行著聞。官爲甄表。則立此闕。二獸不見下體。恐所刊文辭。或在其下。續錄

馮君開道碑

馮君開道碑。威宗和平元年刻。凡六十九字。紀其披山開道。人民歡悅之利。未有曹史孔固三人題名。續錄

益州太守無名碑并陰

益州太守碑。以朱爵爲額。龜蛇爲趺。龍虎銜璧。在其兩旁。一崇碑也。首云。永壽元年三月十九日。益州太守某君卒。其姓獨刊滅。或有謂之馮君者。豈予所藏偶不明耶。碑之左有。功曹掾故吏題名四十八人。皆屬邑建伶牧。靡栢棟演池穀昌俞元之人也。僅有王李數姓可辨。名字皆不具矣。續錄

益州太守碑陰。有牧靡故吏三人題名。在趺之右。此碑刻五玉三獸。下有牛首。蜀中漢碑如是者。有柳敏碑陰。馮緄墓道雙排六玉碑。又有單排六玉碑。與此凡四。釋錄

張休崖涖銘

磨厓險路銘。四言十四句。威宗延熹二年三月刻。末有張休姓名。姑以名其碑。其文謂此山高擬太

山險比劍道。上眈彼蒼。相去能幾。行人過茲。鮮不垂涕。十數年前。藏碑者得之蜀人。今尤延之李仲南家有之。隸續

封丘令王元賞碑

隸書不著書撰人名氏。碑以延熹四年立。王君嘗爲封丘令。辟司空府。元賞其字也。碑以漫滅。元賞之名。及其鄉里。皆不可見。故以其字稱之。集古錄

碑云。君諱某。字元賞。御史君之孫。茂材君之子也。歷秦及漢。有國有家。宰相牧守。踵武相襲。又云。郡察孝廉。郎中謁者。苑陵丞。封丘令。母憂去官。服祥。辟司空府。延熹四年五月辛酉。遭喪。而終。其文字磨滅。隱隱可見者如此。其名既亡。又不序其姓。惟其銘云。於惟王君。以此知其姓王爾。集古錄

其姓名已殘缺。所可見者。字元賞而已。碑云。察舉孝廉郎謁者。考工苑陵葉封丘令。而銘文亦有撫臨三國之語。歐公集古錄云。爲苑陵丞者。蓋誤以葉字爲丞爾。碑陰載門生姓名。有云右奔喪右斬杖三年者。金石錄

封丘令王元寶碑。隸額兩行。所存其下令碑二字。歐趙皆以爲王元賞。予所得者。卻是元寶。字畫分明。非是測度。其名彷彿。是紹一碑之中。不可識者。纔數字。王君以察孝廉爲郎謁者。故銘詩云。宿衛帝側。嘗宰苑陵。葉封丘三城。故云王用錫命。撫臨三國。以延熹四年卒。隸續

封丘令王元寶碑陰

王元寶碑陰四橫。稱故吏者四人。有名字都邑者十數人。餘皆凋落不備。其中有立碑錢各五百之

文又有右奔喪右斬杖三年之文。歐趙有其碑而亡其名。碑云門徒雨集。盛于洙泗。故衰杖過禮。等于事父。惜乎碑石淪碎。姓名不能盡見。歐云碑有錢各五百字。似是修廟人所記。其可見者。濟陰定陶蔡顥子盛。山陰金鄉張諺李德。又時有故吏字。不知爲何人祠廟。按此碑既有故吏。又有奔喪斬杖之文。謂之修廟人題名。非也。威宗延熹四年立。並錄續。

蒼頡廟人題

延熹五年正月立。歐陽公集古錄云。此碑有蓮勺左鄉有秩。池陽左鄉有秩。池陽集水有秩。皆不知是何名號。又有夏陽候長。祿祔候長。則是縣吏之名。其字畫不甚精。又無事實可考。姑疑其名號。以俟知者爾。按前漢書張敞以鄉有秩補太守卒史。後漢書百官志。鄉置有秩三老游徼。本注曰。有秩郡所署。秩百石。掌一鄉人。注引漢官曰。鄉戶五千。則置有秩。風俗通曰。秩則田間大夫。言其官裁有秩爾。然則有秩。蓋亦鄉吏名也。金石錄。

平輿令薛君碑

碑云。惟延熹六年春二月。平輿令薛君卒。烏虜哀哉。吏民其咨。咨君之德。迺建碑石于墓之側。其後有銘三百餘言。敘述甚詳。惟不載其名字世系。故莫得而考焉。金石錄。

漢故平輿令薛君碑。隸額前有敘。凡三十六字。大略云。平輿以延熹六年二月卒。吏民咨其德。建碑于墓之側。次有銘詩三百四言。文雖無缺。而不書其名字。其云我君肇祖迺侯于薛者。謂夏之車正奚仲也。續錄。

倉頡廟碑

文字殘缺其略可辨者有云蒼頡天生德于大聖四目靈光為百王作憲而其銘曰穆穆聖蒼知為蒼頡碑也考其歲月蓋熹平六年立金石錄

右侍無名人墓闕

漢右侍之墓五字藏碑者宣和間中分為兩黏裝作帙漢官有左右署侍郎漢人題闕作碑多省文如郭仲奇為北軍中候而碑中省其北字高頤作北部府丞而題闕省其部字馮緄之右郎中署字于文亦省此侍字之下必有漫滅之文為貼碑者所翦其左有光和三年四小字續

种氏石虎刻字

种氏石虎刻字光和七年四月五日巳丑孝子种覽元博所造趙氏得漢代兩墓石獸膊上字宗資天祿辟是篆又州輔二獸所刻予訪之未獲續

仲秋下旬碑

無名碑字畫清逸頗類故吏所立劉寬碑但石損字缺所餘亡幾其云紀涪者歲在涪灘也仲秋下旬粵日辛者其所終之月日也又云辭病不降淹瘵累載知其久苦沈痾也銘云爰茲衰徵三命縮羸知其常選貢也又云背爾孳儷孤嗣禪禬知其有妻帑也釋

頻陽令宋君殘碑

漢故頻陽令宋君表其篆額兩行獨不殘缺碑十行行有七字惟聖賢之冑丕闡休宣朝廷咨謀水

歸靈字數句成文。趙氏所藏者亦是殘碑。恐不至如斯之鮮也。額之左有令丞簿尉五人題名。乃本朝官制。其右有云。後漢潁陽令宋君碑記。其辭云。宋君漢良宰也。鄉人宜之。餘亦缺矣。續

防東尉司馬季德碑

山陽府卒史防東守尉司馬君碑。其名闕。其字季德。有所終之月日。而其年則磨滅。此云山陽府卒史防東守尉者。以郡曹而攝邑官。其本秩自如故。猶今之兼權也。防東二字。頗曖昧難辨。故趙氏以山陽卒史名之。續

益州刺史薛君巴郡太守劉君碑

碑已斷裂不完。惟存上一段。而其額尙全。趙漢故益州刺史中山相薛君巴郡太守宗正卿成平侯相劉君碑。碑古無兩人共立一碑者。惟見于此爾。金石錄

漢故益州刺史中山相薛君巴郡太守宗正卿成平侯劉君碑。隸額頗雜篆體。其碑髣髴二十行。所餘其上一段。他石斷裂不存矣。第一行有益州刺史中山相薛八字。第二行有巴郡太守宗正卿成八字。第三行有惟二君三字。餘皆不可句讀。蓋前兩行各舉其官。後行始是碑語。與廣漢屬國辛李二君碑正同。其間有祭死者。及薛劉征討字。殆是紀述平寇之事。趙氏誤以爲墓刻。故云古無兩人共立一碑者。又以劉君爲成平侯。相詳其額。初無相字。此蓋王子侯也。續

處士嚴發殘碑

處士嚴發殘碑。所存十有二行。行凡十字。其大略載柏諫陳章所言。處士嚴發。有曾閔之行。栖遲衡

門誠於朋友。引春秋哀儀甫之事。後有聽表門閭復之文。復下字闕。蓋邑官稱嚴之行。遂表其門閭。復其租繇。而碑之所由立也。未有丞汝南番君及戶曹掾題名。當是其時官寮也。其首行月日之下。有彭城字。乃其鄉國也。此碑不見歲月。疑其非漢刻。雖字畫不工。卻不類魏晉以後書法。續

征南將軍劉君神道

有漢征南將軍劉君神道十字。大小與王稚子闕相類。而剛勁過之。惟後兩字刃損。兩漢雜號將軍。掌征伐。背叛事訖。則能不常置也。唐杜佑云。四征興於漢代。四安起於魏初。四鎮通於柔遠。四平止于喪亂。在光武時。岑彭嘗建征南之號矣。牛僧孺玄恠錄。載盧公渙爲明州刺史。時有盜發。漢征南劉將軍墓者。蓋在明之翁山縣。其官氏偶同。非此劉君也。續

舉吏張玄殘題名

舉吏汝南張玄殘題名。其可見者。故吏河內一人。門生東郡三人。門生濟南二人。門生平原任城各一人。辭令有其官而亡其姓名。惟虞升一人。郡邑名字及所出錢。無一字闕者。漢碑稱舉將者有二。外黃令高彪碑及三公山碑。其自稱舉吏者。獨于此碑見之。續

貞女羅鳳墓闕

漢貞女羅鳳墓六字。筆勢甚清逸。頗類景謁者墓表。字之上以朱爵爲額。蓋墓闕也。續

待中楊文父神道

漢楊侍中文父之神道。字體略與馮幽州闕相似。必西州所刻者。續

蜀郡太守任君神道

漢蜀郡太守任君神道九字。字畫壯偉。然不著名字。鄉里歲月。莫詳其爲何人也。金石錄

雍丘令殘畫碑

雍丘令殘畫像。其標題皆已摩滅。獨存泰山爲雍丘令一榜六字。所謂太山者。疑是稱其所終之官。其書法亦猶朱浮碑。云府君作令時之比。此畫形制。甚有類朱君者。但作一旁行。則與之不類。又人馬之形貌亦不類。駕車各以一馬。凡車之上有蓋。乘車者之後有一人焉。其御也。惟第七車無蓋。而御者執斧。其次則導者二人。各執其物有如箭者。次二人乘馬。次導者又二人。然後至所謂雍丘令之車。次二人乘馬從之。復有一車。惟見其馬與車之半輪。餘則缺矣。此刻及朱浮畫。乃是寫其平生車騎之容。納之幽窅者。亦塗車芻靈之意。後世神祠佛刹中。圖畫于廊廡間。有此類者。續

成王周公畫像

成王周公畫像。有標題者六。皆偏而不正。惟成王周公。二榜不漫滅。其間張幕設案。有纒角垂袞。而中立者成王也。冕而跪于東者曰周公。則西者當是召公。漢碑有龍虎者。隨其文而觀之。則先龍而後虎。蓋以碑之所向爲左右也。立于二公之後者六人。其西三人。則無標題。皆有所執。如弓矢之屬。一馬在其後。此碑所列諸臣翼如也。與武梁朱浮畫像法式皆異。雍丘令及此圖。皆洛陽朱敦孺希眞所藏者。朱云。齊魯間漢公卿墓中物。亦不詳其主名。武帝嘗畫周公負成王朝諸候。以賜霍光。此畫之意。良未諭也。續

孔子見老子畫像

孔子見老子畫像。人物七。車二。馬三。標榜四。惟老子後一榜漫滅。孔子面右。贊鴈。老子面左。曳曲竹杖。中間復有一雁。一人俛首在鴈下。一物柱地。若扇之狀。石有裂文。不能詳辨。侍孔子者一人。其後雙馬駕車。車上一人。馬首外向。老子之後。一馬駕車。車上亦一人。車後一人。回首向外。史記魯昭公。子孔子一乘車。兩馬。一豎子。同南宮敬叔適周。問禮於老子。此畫與聖輿兩驂。似是据此續。

陽都長徐君冢闕

鍾君碑

二碑無年月。其字畫皆東漢人書。金石錄

魏石刻

大保任公神道

魏太保任公神道七字。金石錄

蜀石刻

鄧芝闕

蜀戶部尚書鄧芝闕銘九字。又有小字。題識漫滅。不可讀。莫知其爲何代所立。資古所錄魏晉三國遺文。獨無蜀刻。姑以附卷中。資古紹志錄

西晉石刻

護羌校尉彭祈碑并陰

元康二年三月立碑云君諱祈字子玄隴西襄武人也又云有詔以軍州始分河右未清豺狼肆虐授君節蓋除護羌校尉統攝涼土前後軍功應封七侯勞謙退讓陰德不伐年未知命以太康十年三月癸酉薨西晉石刻見于今者絕少又多殘缺此碑文字完好可喜金石錄

碑陰題名者凡三百十二人有故孝廉計掾計史良吏曹史計佐主簿領校錄事中部督郵西部督郵軍議從事和戎從事記室督軍謀從事錄事史戶曹史賊曹史金曹史田曹史倉曹史鎧曹史兵曹史客曹史記室史節史車曹史水部都督中部都督功曹典事武猛從事舍人蜀渠都水行事中部勸農西部勸農東都水蜀渠平水門下賊曹門下議生錄事金曹掾兵曹掾作部史法曹史參戰騎督步督散督門下書佐弓馬從事監牧史戟史金曹典事武猛史門下通事門下小史凡一官多者十人少者不減數人其餘稱故吏無官號者百六十餘人當時州郡官屬其濫如此蓋自漢以來太守皆得自署置僚佐彭君爲邊郡守故其所辟尤衆今盡錄其名號以見一時之制焉金石錄

鴻臚成公重墓刻

碑云永甯二年四月辛巳朔十五日乙未守鴻臚關中侯成公重魏夫人之靈柩金石錄

青山君神頌

永安元年九月金石錄

東晉石刻

夜郎太守母稚碑

隆安三年六月金石錄

僞趙石刻

橫山李君神碑

碑題建武六年歲在庚子三月己亥二十一日癸丑立金石錄

後魏石刻

造三級浮圖碑

太和十二年七月金石錄

太尉于烈碑

景明四年四月金石錄

淮陽太守梁鑿碑

延昌四年十月金石錄

齊兗州刺史傅公碑

孝明熙平元年十二月金石錄

兗州刺史羊使君碑

不著書撰人名氏。君名缺不可見。而有其字曰靈引。太山平陽人也。爲京兆王愉長史。愉將反。君不

從見殺。詔贈兗州刺史。諡曰威。碑以熙平二年立。集古錄

瀛州刺史孫惠蔚墓誌

神龜元年五月立。其名字鄉里年壽皆不載。獨其末載贈官制書云。故安東將軍銀青光祿大夫棗強縣開國男孫蔚。知其名蔚。又云。歸葬于世邑武遂。知其爲邑人也。按後魏書儒林傳。有孫惠蔚。其所書事跡與誌皆合。傳云。先單名蔚。正始中侍講禁內。夜論佛經。有愜帝旨。詔使加惠號。惠蔚法師焉。金石錄

叱閭神寶修關城銘

銘題右將軍西中郎將叱閭神寶銘。又云。維大魏神龜元年歲次戊午十一月壬午朔十日壬辰。起功三十萬。修治關城。并作館第。敬造三級浮圖。金石錄

贈司空元暉碑

正光三年四月。金石錄

望都令侯宗碑

正光三年六月。金石錄

楊麴仁造老子釋迦文佛記

正光三年。集古錄

僧會碑

不著書撰人名氏。僧會名集。安定朝那人。碑缺亡其姓名。仕後魏至衛大將軍。贈侍中司空。碑以正

光四年立目。集古錄

邑義一千人造像記

正光五年四月。金石錄

孟思文等造像碑

正光六年四月。金石錄

房曇淵等造像記

莊帝永安三年十月。金石錄

斛斯正碑

不著書撰人名氏。正字貸敦。河南洛陽人。仕後魏至驃騎大將軍。贈侍中司徒。諡武昭。碑以永熙二

年立目。集古錄

御史臺雙塔頌

永熙二年。金石錄

大鴻臚卿鄭胤伯碑

無立石年月。金石錄

東魏石刻

造石碑像記

天平元年十月金石錄

造寺碑

隸書不著書撰人名氏。寺後魏太武帝所立。東魏天平中中軍將軍元景康重修。不知其爲何寺也。
集古錄

石像記

不著書撰人名氏。石像邑人所共造。廬江太守刻榮等刻銘。以興和二年立。
集古錄

三塚寺碑

不著書撰人名氏。後魏缺人董興壽等。造石佛像于三塚寺。以興和二年立此碑。
集古錄

張卑墓誌

興和二年十月金石錄

張奢碑

不著書撰人名氏。殘缺尤甚。奢之字及鄉里皆亡。其可見者。以興和三年葬爾。其額曰。魏故渤海太守張君碑。以此又知其官爵姓氏也。
集古錄

魏蘭根碑

興和四年金石錄

造石觀音像記

武定元年平南將軍焦永安造集古錄目。

瀛州刺史李公碑

武定三年二月金石錄。

樂陵太守劉公碑

武定二年二月金石錄。

劉起貴造像碑

武定二年五月金石錄。

比丘曇妙等造像記并題名

武定三年集古錄目。

造石塔記

無書撰人名氏魯郡白源寺沙門志。紹村人劉志義等造石塔記。東魏武定四年刻其後。題名百餘人。集古錄目。

安州刺史赫連栩碑

武定五年四月金石錄。

鎮東將軍劉乾碑

碑云君諱乾字天自胡夷亂華典章文物掃地而盡至于名字書畫皆一出其私意而無復稽考可謂亂世矣若劉君者名乾字天豈不恠哉碑無立石年月錄金石

西魏石刻

化政寺石窟銘

文帝大統七年十二月錄金石

造像記

大統十五年六月錄金石

北齊石刻

九級塔像銘

不著書撰人名氏北齊天保三年衆造九級塔像之碑也其間多稱後魏年號集古錄不見書撰人名氏蓋北齊時所作也碑文淺陋蓋鄙俚之人所爲惟其字畫多異往往奇恠故錄之以備廣覽集古錄

造像記

天保四年五月錄金石

郭道尊等造像記

天保四年八月錄金石

孫士淵造像記

天保五年九月金石錄

建陵山修靖館碑

天保六年十月金石錄

郁久閭業碑

天保七年五月金石錄

石當門等造像碑

天保七年十二月金石錄

李威碑

不著書撰人名氏。威字鍾葵。趙郡柏仁人。此碑字畫古恠。不可悉辯。其題額曰大齊府君李公之碑。以天保九年立。金石錄

造像碑

皇建元年金石錄

石像頌

皇建元年金石錄

閻亮造像記

比丘道常書齊武成河清元年九月金石錄。

鳴球山禪房記

不著書撰人名氏。前有比丘邑子題名。其後有頌。亦無書撰人名氏。皆北齊人造經像立浮圖記也。

鳴球山碑。以河清元年立。集古錄。

掠疾經偈

河清二年二月金石錄。

華陽公主碑

河清二年八月金石錄。

權法師碑

河清二年十月金石錄。

三像頌

不著撰人名氏。北齊東豫州參軍宋元進書。河清二月。邑生宋士端等造釋迦定光彌勒三佛石像。

作此頌。其後有東豫州中兵外兵參軍宋歡雋等題名者數十人。集古錄。

造石浮圖記

不著書撰人名氏。建州長史馮文顯等造石浮圖。以河清二年刻此記。題名者稱維那。或稱佛主左

右菩薩。東西堪主。其稱號甚多。凡百七十餘人。集古錄。

河清二年歲在癸未。河清北齊高湛年號也。碑文鄙俚而鐫刻訛謬。時時字有完者。筆畫清婉可喜。故錄之。集古錄

邑義人造像記

天統二年七月錄。金石

造雙塔碑

天統三年三月錄。金石

造石經并記

天統四年六月錄。金石

造石像記

無書撰人名氏。南濟陰功曹高志遠等。與邑人造石像記。天統四年刻。其後題名百餘人。集古錄

趙志和造像碑

天統五年十一月錄。金石

後魏曹公碑

隸書。其文之亡者過半。書撰之人。與公之名字鄉里。皆不可見。公後魏人也。孝昌中。官至散騎常侍。其子顯于齊爲侍中。追贈公鴻臚卿。趙州刺史。諡曰宣。以武平元年立此碑。碑之所存。如此而已。集古錄

龍華寺造浮圖碑

不著書撰人名氏。據碑稱維那劉顯等于雙井村共造龍華浮圖一區。爵離一區。碑以北齊武平元年立。釋氏謂寺爲爵離。今北朝石刻往往見之。集古錄

隴東王胡長仁碑

武平二年四月。金石錄

觀音石像碑

武平二年八月。金石錄

造像記

武平二年九月。金石錄

長樂王尉景碑

武平三年七月。金石錄

白長命碑

武平四年立碑云公字長命而其名已殘缺。長命白建之父也。金石錄

唐邕造佛文

北齊散騎常侍中書侍郎李德林撰。通直常侍中書舍人姚淑隸書。驃騎大將軍錄尚書事唐邕造佛像三萬二千軀。以武平五年立此碑。集古錄

大安樂寺碑

武平五年四月立。其額題廣業王大安樂寺碑。廣業王者。尉萇命之子破侯也。碑云。魏末離亂。長命嘗營護此寺。其後破侯與其弟興敬復加營葺。故立此碑。金石錄

開明寺彌勒像碑

武平五年八月錄。金石

賈羅侯等造像碑

武平五年十月錄。金石

造像記

齊武平五年張買等造像記。有銘辭及題名。不著書撰人名氏。集古錄

邸珍碑

武平六年二月錄。金石

宋悅和等造像碑

武平七年七月錄。金石

唐邕造寺碑

隸書。不著書撰人名氏。北齊錄尙書事晉昌王邕造四生咸覺寺之記也。不著所立年月。集古錄
宜陽國太妃傅氏碑

中秩二品然本後宮嬪御之職今以宰相母爲之惟見于此傳氏趙彥深之母有賢操事載于史石

贈司空趙奉碑

奉彥深父也碑云君諱奉字奉伯而北齊書及北史但云名奉伯而已金石錄

司空趙起碑

碑云起自滄州刺史還闕除吏部尙書判外兵省事遷光祿大夫以本官兼尙書左僕射出行懷州

事轉膠州刺史封南泉郡王而卒金石錄

永樂十六角題名

不著書人名氏刻石年月不知爲何時所立永樂十六角者浮圖也題名凡二百餘人目集古錄

永樂十六角題名不著年月列人名甚多皆無顯者莫方考究不知爲何時碑其字畫頗恠而不精

似是東魏北齊人所書十六角者庸俗所造佛塔其後又書云造十六角鎮國大浮圖則知爲塔矣

其謂之十六角只見此碑而後魏時又有常山義七級碑蓋當時俚俗語類皆如此集古錄

二聖寺龍華讚佛碑

造釋迦像碑

宋使君像碑

高隆之造像記

以上四碑年月或殘缺。金石錄

後周石刻

宇文衆造像碑

閔帝武成元年十月。金石錄

延壽公碑頌

保定元年三月。金石錄

于實靈塔頌

不著書撰人名氏。周大都督助州諸軍事助州刺史万紐于實所立塔頌也。以保定元年立。集古錄

同州刺史普六如忠墓誌

天和三年七月。金石錄

溫州刺史烏九僧修墓誌

天和七年三月。金石錄

降魔寺碑

後周鄖國公府長史拓跋嶸奉教撰。總管府賓曹謝威奉教書。降魔寺者。鄖國公宇文寬之所建。碑

以武德二年立。集古錄

源使君碑

文帝開皇元年錄金石

呂龜碑

開皇二年十一月錄金石

北齊造像碑

北齊仁州刺史黃門郎劉狄之撰。不著書人名氏。邑人趙紹等造佛像記也。不著所立年月。據其記稱大齊。而其後又題曰隋潞州司馬薛逸侍佛。乃知隋人所追建也。集古錄

北齊徐州張長史碑

開皇九年十月錄金石

齊國太夫人楊氏墓誌

開皇十年三月錄金石

鄂國公造鎮國大像碑

開皇十一年九月錄金石

董明府清德頌

開皇十二年三月錄金石

劉景韶造像碑

開皇十三年四月金石錄

趙君寶塔碑

開皇十三年十月金石錄

造像碑

開皇十五年九月金石錄

李氏像碑

開皇十六年七月金石錄

聖衆寺眞應禪師碑

不著書撰人名氏其額曰聖衆寺眞應禪師妙德碑眞應禪師者姓蓋氏漢蓋延之後碑以開皇十

七年立目集古錄

王明府造像碑

開皇十七年八月金石錄

五原國太夫人鄭氏墓誌

開皇二十年二月金石錄

舍利塔記

仁壽元年三月金石錄。

舍利寶塔下銘

仁壽二年四月金石錄。

栖巖道場舍利塔碑

仁壽二年金石錄。

願力寺舍利寶塔函銘

仁壽三年四月相州刺史薛胄建金石錄。

周羅喉墓誌

徐做撰。無書人姓名。大業元年四月立。而歐陽率更在大業中所書姚辯墓誌。元長壽碑。與此碑字體正同。蓋率更書也。往時書學博士米芾善書。尤精于鑒裁。亦以余言爲然。羅喉名將。隋書有傳。金石錄

海州刺史劉遙墓誌

大業六年十一月金石錄。

黃門侍郎柳旦墓誌

大業六年十一月金石錄。

平都治碑

大業十一年八月金石錄

大都督袁君碑

大業十二年三月金石錄

滌山石窟碑

虞世則造像記

造等身像記

以上三碑無年月或殘缺金石錄

唐石刻

劉亮墓誌

正書無姓名武德八年十二月金石錄

王悅等造像碑

正書無姓名貞觀六年五月金石錄

宕渠令孟略碑

正書無書撰人姓名金石錄

益州刺史裴鏡民碑

李伯藥撰。殷令名正書。貞觀十一年十月立。令名與其子仲容皆以能書擅名一時。而令名遺跡存。

者惟此碑耳。筆法精妙，不減歐虞，惜不多見。金石錄

姜寶誼碑

正書。無書撰人姓名。貞觀十二年十月。金石錄

李先生碑

田世榮造。劉君諤正書。貞觀十五年五月。金石錄

樂鄉縣令長孫迥墓誌

正書。無書撰人姓名。貞觀十七年九月。復齋碑錄

神劍碑

正書。無書撰人姓名。貞觀十七年十月。金石錄

鄖國公殷元嗣墓誌

正書。無書撰人姓名。貞觀二十一年六月。金石錄

太府卿李襲譽墓誌

正書。無書撰人姓名。貞觀二十三年三月。金石錄

聞喜縣令江彥碑

正書。無書撰人姓名。永徽二年十月。金石錄

宜州別駕楊旻墓誌

正書無書撰人姓名。永徽二年十二月。錄。金石。

房仁裕母清河李夫人碑

分書無書撰人姓名。永徽三年六月立。錄。復齋碑。

潤州當塗令董智奭誌

諱智奭字希保。隴西狄道人。顯慶二年七月卒。以三年二月二十三日窆于舊塋。錄。復齋碑。

乞伏士幹墓誌

正書無書撰人姓名。顯慶三年五月。錄。金石。

隋辛案墓誌

正書無書撰人姓名。顯慶三年十二月。錄。金石。

紀公碑

正書無書撰人姓名。顯慶四年三月。錄。金石。

齊興寺碑

正書無書撰人姓名。龍朔二年六月。錄。金石。

改造彌勒閣碑

行書無書撰人姓名。龍朔三年正月。錄。金石。

孫仁師百濟班師碑

唐前隨州光化縣尉馬大斌撰。不著書人名氏。高宗既平百濟，已而其國人復叛。右威衛將軍孫仁師爲熊津道行軍大總管，伐而平之。師還至都洲，刻石紀功。以麟德元年立。目。集古錄

袁游擊碑

游擊子義悳撰。并書。游擊名神通，字玄濟，河南宜陽人。仕唐，官至游擊將軍、右武衛唐興府左果毅。

都尉碑以麟德元年立。目。集古錄

唐立後魏郢州刺史劉寶碑

八分書。無書撰人姓名。麟德二年四月，其孫立。錄。金石

紀國先妃陸氏碑

正書。無書撰人姓名。乾封元年十二月。錄。金石

滁州刺史劉君碑

李儼撰。顏有意正書。乾封二年二月。錄。金石

杜延基造心經

蘇休奕正書。總章元年六月。錄。金石

曹王府典軍劉公碑

趙務玄撰。正書。無姓名。總章二年二月。錄。金石

張士相墓誌

正書無書撰人姓名咸亨四年二月錄復齋碑。

興昔亡單于阿史那彌射碑

正書無書撰人姓名咸亨四年二月錄金石。

幽州都督盧承慶碑

八分書無書撰人姓名咸亨四年五月錄金石。

越州長史李基碑

張太素撰行書無姓名上元二年九月錄金石。

尹府君碑

正書無書撰人姓名上元二年十二月錄金石。

李德攜造像碑

正書無書撰人姓名上元二年錄金石。

平原寺舍利塔碑

撰人名缺僧仁基正書唐上元三年二月錄金石。

金剛經

正書無姓名儀鳳三年四月錄金石。

觀音十大願品經

正書無姓名。儀鳳三年四月。錄。金石。

陽翟侯夫人陸氏墓誌

周思茂撰。正書無姓名。開耀二年正月。錄。金石。

劉黑仁等造徘徊碑

行書無書撰人姓名。永淳二年七月。錄。金石。

奉仙觀老君像碑

李審幾撰。沮渠智烈書。垂拱元年。錄。金石。

麴君碑

正書無書撰人姓名。垂拱元年十一月。錄。金石。

舍利塔銘

陳思順造。正書無姓名。垂拱二年二月。錄。金石。

周贈箕州刺史成公碑

楊炯撰。正書無姓名。天授二年二月。錄。金石。

周祭玄元皇帝碑

行書無姓名。天授二年二月。錄。金石。

周冬官尙書李冲玄墓誌

周南宮昌墓誌
正書無書撰人姓名。證聖元年十月。錄。金石。

正書無書撰人姓名。萬歲通天元年。錄。金石。

周賈休清德碑

詳正學士張顯思撰。正書無姓名。萬歲通天二年九月建。復齊碑錄。

周長安主簿龐君碑

行書無書撰人姓名。神功元年十月。錄。金石。

周護軍王君碑

行書無書撰人姓名。聖歷二年六月。錄。金石。

周舍利寶函記

篆書無姓名。久視元年七月。錄。金石。

周許由廟碑

則天撰。相王旦正書。大足元年五月。錄。金石。

周閔居士夫人塔銘

正書無書撰人姓名。大足元年十月立。錄。金石。

周栖巖寺詩

高宗則天撰。韓懷信正書。長安二年。錄。金石

周都官郎中孔昌寓碑

盧藏用撰。并八分書。長安三年二月。錄。金石

周思簡律師塔銘

正書。無書撰人姓名。長安四年三月。錄。金石

周游仙篇

武后撰。薛曜正書。武后時立。錄。金石

周堯廟碑

盧永慶撰。劉濟物正書。武后時立。錄。金石

周光武皇帝碑

正書。無書撰人姓名。武后時立。無年月。錄。金石

胡元絢墓誌

不著書撰人名氏。元絢字子實。涇州安定人。官至雅州嚴道縣令。碑以神龍元年立。錄。集古錄

王仲詳等造像碑

正書。無書撰人姓名。神龍三年正月。錄。金石

徐有功碑

徐彥伯撰正書姓名殘缺景龍二年四月錄金石

騎都尉劉君墓誌

正書無書撰人姓名景龍三年十月錄金石

天竺寺碑

蘇頌撰蘇誥八分書睿宗景雲元年十月錄金石

勝業寺雙彌勒像碑

褚慶文撰趙冬曦正書景雲二年二月錄金石

大雲寺石燈臺頌

景初陽撰殷子陽八分書景雲二年錄金石

司農卿盧萬石碑

李義撰八分書無姓名先天元年十月錄金石

元公浮圖祠堂頌

八分書無書撰人姓名先天元年八月錄金石

遵善寺大像碑

羅邈撰行書無姓名明皇開元元年五月錄金石

贈右僕射王洎碑

盧藏用撰。甘獻誠八分書。開元二年二月立。洎字文洎。王仁皎父也。金石錄

南亭記

王翼撰。八分書。無姓名。開元二年三月。金石錄

辨機法師塔銘

趙冬曦撰。正書。無姓名。開元二年九月。金石錄

杭州刺史裴惓碑

族子子餘撰。孫令缺行書。盧曉八分題額。開元三年九月。金石錄

陳延喜妻穆氏墓誌

齊望之撰。蕭元皎正書。開元六年正月。金石錄

鬱林觀東嵩壁記

崔逸撰。八分書。無姓名。開元七年正月。金石錄

永豐陂堰頌

徐嶠之撰。并八分書。開元七年五月。金石錄

嘉禾寺禪院碑

徐楚璧撰。姚思義八分書。開元八年八月。金石錄

六公詠

李邕撰。胡履虛八分書。開元十一年刻。初余讀杜甫八哀詩云。朗詠六公篇。曼來豁蒙蔽。恨不見其詩。晚得石本入錄。其文詞高古。真一代之佳作也。六公者。五王爲一章。狄丞相別爲一章云。金石錄。

普寂禪師碑

盧鴻撰。并八分書。開元十二年正月。金石錄。

神泉寺石經西塔銘

唐昭明撰。田昌正書。開元十二年正月。金石錄。

明皇行次成臯詩

艾敍行書。開元十三年十月。金石錄。

崔慧爽傳

薛僅撰。行書。無姓名。開元十四年二月。金石錄。

彭思義建父至德碑

行書。無姓名。開元十四年。金石錄。

濟源令蕭公墓誌

權徵撰。正書。無姓名。開元十五年二月。復齋碑錄。

房山湯記

張嘉貞撰。行書。無姓名。開元十五年四月。金石錄。

大雲寺丈八佛像記

段履冰撰行書無姓名開元十七年九月錄金石

老子廟碑

于孺卿撰房自謙正書開元十八年三月錄金石

東夏師資正傳

僧慧超述李巖正書開元十八年四月錄金石

曇榮禪師碑

崔禹撰蘇颯銘韋鑒八分書開元十八年八月錄金石

貞法師旌德記

分書無書撰人姓名開元十八年十月錄金石

阿彌陀佛讚

殷彥方撰鍾紹京正書開元二十年五月錄金石

源公石幢記

封利建撰賀遂回八分書開元二十一年錄金石

同州刺史解琬碑

蘇頲撰梁昇卿八分書琬武后中睿朝爲將有功開元六年卒開元二十三年五月立碑錄金石

相州刺史侯莫陳涉墓誌

鄭同昇撰。盧自勵正書。開元二十三年乙亥十一月壬子朔九日庚申錄。復齋碑

光祿卿鄭會碑

梁昇卿撰。并八分書。開元二十四年五月錄。金石

潁王府司馬蕭擢墓誌

正書。無書撰人姓名。開元二十四年十月錄。金石

傳菩薩戒頌

楊仲昌撰。沙門溫古行書。開元二十五年六月錄。金石

定進巖碑

嚴浚撰。蔡有鄰分書。開元二十六年十月錄。金石

述靈記

張嘉祐行書。無姓名。開元二十七年三月錄。金石

長孫君夫人李氏墓誌

正書。無書撰人姓名。開元二十七年七月錄。金石

忠武將軍王暎墓誌

行書。無書撰人姓名。開元二十七年十月錄。金石

內常侍趙泰宗碑

男尙客撰。胡秀分書。開元二十八年二月。錄。金石。

將軍慕容嘉勗墓誌

馮璩撰。正書。無姓名。開元二十八年二月。錄。金石。

龍興寺淨土院碑

李邕撰。韋同八分書。開元中立。錄。金石。

資州刺史章光碑

趙良器撰。族子若訥分書。天寶三年七月。錄。金石。

常覺寺銅鐘銘

韋迥撰。并八分書。天寶四年五月。錄。金石。

陳留郡太守徐惲碑

李邕撰。徐浩行書。天寶六載二月。錄。金石。

薛氏追贈夫人碑

房琯撰。王曾八分書。天寶六載二月。錄。金石。

尊勝陀羅尼經

正書。無姓名。天寶七年二月。錄。金石。

度人經

八分書。無姓名。天寶七年七月。錄。金石

百家巖寺記

崔禹錫撰。劉軫行書。天寶七年九月。錄。金石

太子司議郎王元碑

李華撰。朱璩八分書。天寶七年十月。錄。金石

楊弘慶造舍利塔等碑

唐劉慎和撰。王進書。弘慶弘農人。以開元七年造銅盂蘭盆及舍利塔佛像等。天寶七載立此記。并

弘慶等題名附目。集古錄

百家巖寺碑

崔巨撰。崔倚正書。天寶八年二月。錄。金石

康斑告

徐浩行書。天寶十年二月。錄。金石

新安郡太守張公碑

韋述撰。徐浩正書。史惟則篆額。天寶十年十一月。錄。金石

鉅鹿郡夫人魏氏墓誌

李積撰。薛邕八分書。天寶十一年九月錄。金石

處子瑗墓誌

行書。無書撰人姓名。天寶十一年十一月錄。金石

四禪寺万菩薩像記

趙子餘撰。林混元八分書。天寶十一年錄。金石

冶浦橋記

蔡希綜撰。并行書。天寶十二年正月錄。金石

哥舒翰等造阿彌陀經

正書。無姓名。天寶十二年九月錄。金石

明皇注金剛經

八分書。無姓名。天寶中立錄。金石

南叟訓

祁順之撰。皇三從姪延宥正書。乾元二年三月錄。金石

鄂州長史游浦碑

分書。撰人姓名殘缺。永泰二年十一月錄。金石

永泰寺鐘銘

崔巨撰房集書大歷元年十二月錄金石

亳州刺史劉瓌碑

路蕤撰李著分書并篆額大歷二年十月錄金石

義井記

邵真撰王佑書大歷六年三月錄金石

特進梁公碑

王修然撰王執行書大歷六年四月錄金石

呂府君敕葬碑

喻伯僑八分書大歷六年五月立呂府君名惠恭僧大濟之父代宗朝元載王縉用事宗尚浮圖之法大濟爲帝常修功德使殿中監故褒贈其父爲兗州刺史官爲管辦葬事爵賞之濫一至于此金石

黃石公祠記并碑陰記

李卓撰八分書姓名殘缺大歷八年七月錄金石

文章王廟新三門記

裴孝智撰裴平分書并篆額大歷八年十二月錄金石

侏石銘

樊晃撰。張從申行書。大歷十年十月。錄。金石

章仇公夫人魏氏墓誌

顏真卿撰。并正書。大歷十一年九月。錄。金石

題朝陽巖詩

李舟撰。并正書。大歷十三年九月。李當牛繼詩附。錄。金石

蕭和尚靈塔銘

正書。姓名殘缺。德宗建中元年二月。錄。金石

張茂昭功德碑

王璿撰。并行書。建中三年。錄。金石

扶陽郡君韋君墓誌

杜黃裳撰。正書。無姓名。建中四年二月。錄。金石

定光上人塔銘

吉中孚撰。行書。姓名殘缺。貞元元年十月。錄。金石

均法師碑

沙門惟心撰。高述書。貞元三年五月。錄。金石

安國大德律師塔銘

徐峴撰并正書貞元七年十月錄金石

鄭叔清碑

于翰撰韓秀榮八分書貞元九年七月錄金石

濟遠寺功德碑

郭邕撰劉雲行書貞元十年二月錄金石

菩薩戒石壇記

沙門大觀述屈賁正書貞元十一年二月錄金石

白楊新廟碑

令狐楚撰鄭造正書貞元十六年七月錄金石

惠昕大師碑

齊推撰正書姓名殘缺貞元十七年錄金石

萬州刺史苗拯碑

張粲撰王崧八分書苗端題額順宗永貞元年十二月錄金石

大磬禪師碑

張弘靖撰分書姓名殘缺元和二年七月錄金石

國子司業辛璿碑

姪宗撰正書無姓名胡季良篆額元和四年五月金石錄。

智浩律師碑

段文昌撰蕭延慶正書元和九年十二月金石錄。

紫玉山禪師碑

李承翟撰屈師穆書元和九年金石錄。

太子賓客孔述睿碑

鄭綱撰鄭餘慶書元和十一年六月金石錄。

太府寺丞李泳墓誌

令狐楚撰段全緯書元和十二年十一月金石錄。

太子少保田公碑

李宗閔撰篆書姓名殘缺元和十五年立文字殘缺以事考之蓋田弘正之兄融碑也弘正帥魏詔以融爲相州刺史使之相近碑爲篆字題嵩山布衣書而名姓磨滅不可識其筆蹟頗佳金石錄。

張誠碑

白居易撰武翌黃正書姪孫礪篆額長慶二年六月金石錄。

贈太保李良臣碑

李宗閔撰楊正書長慶二年立金石錄。

題碕石詩

世傳李德裕作。長慶二年二月。錄。金石。

贈左僕射郭公碑

李宗閔撰。蕭佑正書。長慶三年八月。錄。金石。

相里友諒墓誌

撰人名缺。王玄弼正書。長慶四年十二月。錄。金石。

裴度白居易聯句

正書。無姓名。大和三年十二月。錄。金石。

春城院佛殿記

劉慆撰。鄭師仁八分書。大和九年五月。錄。金石。

皇甫曙題石佛谷詩

李道夷正書。開成元年十月。錄。金石。

文宣王新廟碑

劉禹錫撰。盧逕正書。開成二年三月。錄。金石。

蔚州刺史馬紆墓誌

會昌投龍文

唐武宗會昌五年內出修金籙齋詞一告盡口雲臺等治詞一帝自稱承道繼玄昭明三光弟子南嶽炎上真人其詞皆南劍節度衙推趙圓書不著所刻年月集古目

余修唐本紀至武宗以謂奮然除去浮圖銳矣而躬受道家之籙服藥以求長年以此知其非明智之不惑者特其好惡有所不同爾及得會昌投龍文見其自稱承道繼玄昭明三光弟子南嶽炎上真人則又益以前言爲不謬矣蓋其所自稱號者與夫所謂菩薩戒弟子者亦何以異余嘗謂佛言無生老言不死二者同出於貪信矣會昌之政臨事明果有足過人者至其心有所貪則其所爲與庸夫何異集古錄

淮陽太守李公廟碑

李謙撰慕容鎬正書大中三年三月金石錄

穎亭記

陳寬撰正書無姓名大中四年立金石錄

幽州納降軍使李巖碑

正書書撰人姓名殘缺大中六年六月金石錄

蕭穎士庭莎賦

王書無姓名大中七年十月金石錄

儒宮碑

沈佐黃撰。杜英正書。并篆額。大中十二年十一月。錄。金石

萬石君廟記

石晏撰。王藩行書。并篆額。大中十三年十一月。錄。金石

義昌軍節度使杜中立碑

裴坦撰。杜宣猷正書。大中十四年八月。錄。金石

禮部尙書許康佐碑

書撰人姓名殘缺。大中中立。錄。金石

修繁城廟記

曹分撰。篆書。無姓名。咸通十二年九月。錄。金石

寂照寺雙浮圖碑

單江撰。八分書。錄。金石

椒陵陂詩

章瓘撰。正書。錄。金石

通神寺鳳陽門詔

八分書。無書撰人姓名。錄。金石

尊勝幢贊

韓極文。鄔真行書。金石錄。

玄元皇帝道德銘

李華撰。張敬仙書。金石錄。

後唐汾陽王真堂記

李柎撰。李鶚正書。末帝清泰三年八月立鶚。五代時仕至國子丞。九經印板。多其所書。前輩頗貴重之。余後得此記。其筆法蓋出于歐陽率更。然窘於法度。而韻不能高。非名筆也。金石錄。

漢大藏經音序

郭忠恕撰。并篆。袁正己正書。乾祐元年四月。金石錄。